



PEDAGOGIK AKMEOLOGIYA

xalqaro ilmiy-metodik jurnal

5(7)

2023





ISSN 2181-3787
E-ISSN 2181-3795

“PEDAGOGIK AKMEOLOGIYA”
xalqaro ilmiy-metodik jurnal

«ПЕДАГОГИЧЕСКАЯ АКМЕОЛОГИЯ»
международный научно-методический журнал

“PEDAGOGICAL ACMEOLOGY”
international scientific-methodical journal

№5(7) 2023

Jurnal O‘zbekiston Respublikasi Oliy ta’lim, fan va innovatsiyalar vazirligi huzuridagi OAK Rayosatining 2023-yil 5-maydagi 337-qarori bilan **07.00.00 - tarix, 13.00.00 - pedagogika, 19.00.00 - psixologiya** fanlari bo‘yicha dissertatsiya ishlari natijalari yuzasidan ilmiy maqolalar chop etilishi lozim bo‘lgan zaruruiy nashrlar ro‘yxatiga kiritilgan.

Zaripova Gulbahor Komilovna. Umumiy o'рта ta'lim maktab o'quvchilarini ma'naviy-ma'rifiy tarbiyasida sinf rahbarining shaxsiy va kasbiy namunasi	120
Ҳазратов Ўткир Ҳайдарович, Нарзиев Шамсидин Сайпиллоевич. Амалий машғулотларни ўтишда интерфаол усулларнинг самарадорлигини баҳолаш	130
Камилова Гулмира Алимовна. Мактабгача ёшдаги болаларда паремик жанрлар воситасида экологик маданиятни ривожлантириш модели.....	135
Tkacheva Anastasiya Aleksandrovna. Talabalarning ijtimoiy-madaniy kompetentligini rivojlantirish uchun oliy ta'lim tizimida o'yin elementlari va geymifikatsiyadan foydalanish (ispan tili misolida)	139
Karimova Gulhayo Botirjon qizi. Oliy ta'lim muassasalarining o'quv jarayonida faol innovatsion o'qitish usullari.....	148
Po'latova Shahnoza Ikrom qizi. Kasb-hunar maktablarida voleybol seksiyasi ishini rejalashtirish	152
Anvar Ergashovich Sattorov. Mashg'ulotlarda yosh voleybolchilarni tayyorlashning pedagogik - psixologik jihatlari	155
Muxamedov Shavkat Madjitovich. Oliy ta'limda mutaxassislik fanlarning elektron-dasturiy va metodik ta'minotini takomillashtirish	160
Samiyeva Surayyo Oripovna. Tabu va evfemizm o'zbek va tojik tillarida	166
Oллоқова О'ғ'илjon Mamanazarovna. O'quvchilarning pragmatik kompetensiyasini shakllantirishda yangi avlod darsliklarining ahamiyati	171
Jumayeva Habiba G'aforovna. Boshlang'ich sinflarda o'qitishning zamonaviy metodikasi .	176
19.00.00 - PSIXOLOGIYA FANLARI	181
Элов Зиёдулло Сатторович. Рухий-жинсий бузилишлар шахсда ижтимоий психологик муаммо сифатида	181
Qodirov Obid Safarovich. O'zbekistonda tarbiyasi qiyin o'smirlarga e'tiborni kuchaytirishning psixologik muammosi	186
Olimov Laziz Yarashovich. Sud-psixolog eksperti kompetentligini takomillashtirishning psixologik mexanizmlari.....	192
Boltayev Sardor Ibodovich. Zamonaviy psixologiya fanida qarish muammosining o'rganilishi	202

Элов Зиёдулло Сатторович
Бухоро давлат университети доценти,
психология фанлари доктори (DSc)
elovziyo2021@gmail.com

РУҲИЙ-ЖИНСИЙ БУЗИЛИШЛАР ШАХСДА ИЖТИМОЙ ПСИХОЛОГИК МУАММО СИФАТИДА

Аннотация: мақолада девиант хулқ-атворли ўсмирлар шахсида учрайдиган руҳий-жинсий бузилишларнинг ижтимоий психологик сабаблари ва унинг муаммолари илмий таҳлилларда муҳокама қилинган. Турли олимларнинг ушбу муаммо юзасидан фикрлари ва қарашларига алоҳида тўхталиб ўтилган бўлиб, девиант хулқ-атворли ўсмир шахсида ушбу муаммонинг юзага келиши сабаб бўлувчи асосий сабабалар таҳлил қилинган.

Калит сўзлар: девиация, жинсий майл, бузилиш, либидо, агрессия, тажовус, шахс, дискомфорт, озорланиш, эмоция, нафрат, транссексуализм – гонадалар, уrogenитал транссексуализм, гонадалар, уrogenитал, онанизм, аутоидентификация, эrogen зона, эҳтиёж, манифестация, эрекция.

ПСИХОПОЛОВЫЕ РАССТРОЙСТВА КАК СОЦИАЛЬНО-ПСИХОЛОГИЧЕСКАЯ ПРОБЛЕМА ЛИЧНОСТИ

В статье рассматриваются социально-психологические причины сексуальных расстройств личности подростков с девиантным поведением и проблемы ее научного анализа. Отдельно были обсуждены мнения и взгляды различных ученых на данную проблему, а также проанализированы основные причины возникновения данной проблемы у подростка с девиантным поведением.

Ключевые слова: девиация, сексуальная ориентация, расстройство, либидо, агрессия, агрессия, личность, дискомфорт, обида, эмоция, ненависть, транссексуальность - гонады, уrogenитальный транссексуализм, гонады, уrogenитальный, онанизм, самоидентификация, эrogenная зона, потребность, проявление, эрекция.

PSYCHO-SEXUAL DISORDERS AS A SOCIAL PSYCHOLOGICAL PROBLEM IN THE PERSON

The article discusses the socio-psychological causes of psycho-sexual disorders in the personality of adolescents with deviant behavior and its problems in scientific analysis. The opinions and views of various scientists regarding this problem were discussed separately, and the main reasons for the occurrence of this problem in a teenager with deviant behavior were analyzed.

Key words: deviation, sexual orientation, disorder, libido, aggression, aggression, personality, discomfort, hurt, emotion, hatred, transsexualism - gonads, urogenital transsexualism, gonads, urogenital, onanism, self-identification, erogenous zone, need, manifestation, erection.

Кириш. Руҳий-жинсий девиациялар – жинсий майл йўналиши ёки уни қондириш усулларининг бузилишидир. Илгари уларга жинсий ахлоқнинг мазкур жамиятдаги умумэтироф этилган моделидан фарқ қилувчи ҳар қандай жинсий эҳтиёж ва ҳаракатларни киритишган, зеро улар нафақат бузилишлар ҳисобланган, балки маънавий жиҳатдан қораланган ҳам. Ҳозирда кўпгина мутахассислар жинсий девиацияларнинг фақат бир

182 қисмига аниқ нуқсон деб қарайдилар. Рухий-жинсий девиация деганда либидонинг сифатли ўзгариши назарда тутилади.

Мавзуга оид адабиётлар таҳлили. Қатор олимлар томонидан ўтказилган тадқиқотлар жинсий бузилишларнинг юзага келишида агрессия сабаб қилиб кўрсатилганлигини кўришимиз мумкин. Агрессия атамаси лотин тилидан олинган бўлиб, «aggredi» – «тажовуз қилмоқ» маъносини англатади. Психологияда «агрессия» атама- сига нисбатан турли ёндашувлар мавжуд бўлиб, Х.Дельгадо, А.А.Басс, Л.М.Семенюк, Г.Паренс, А.Бандура, Р.Уолтерс, Ю.Можгинскийлар томонидан агрессия салбий баҳоланади[1].

Л.Бендер агрессияни инсоннинг ўз-ўзини намоён қилишга интилишидир, деб таъкидлайди. Мотивлаштириш нуқтаи назаридан, Л.Бендер агрессияни ихтиёрий ва инструментал турларга ажратади. Р.Бэрн ва Д.Ричардсон агрессивликнинг ривожланишига олиб келувчи шахс хусусиятларини қуйидагича ифодалаган:

- импульсив хулқ кўринишларининг намоён бўлишига мойиллик, эмоционал таъсирчанлик – дискомфорт, ўз-ўзидан қоникмаслик, озорланиш ҳислари, психологик қулайликнинг йўқотилиши;

- турли ўй-фикрларга берилиш (инструментал агрессия), диққатнинг бузилиши (эмоционал агрессия);

- душманлик ёндашуви – барча стимулларни уларнинг табиатидан қатъий назар ўзи учун хавфли, деб қабул қилиш[2].

Т.Г.Румянцева, И.Б.Бойко агрессияни ижтимоий хулқ кўриниши деб ҳисоблайдилар. Бу борада агрессияни келтириб чиқарувчи икки ҳолат тавсифланади:

қурбон учун вазиятлар натижаси хавфли деб ҳисобланганда;

қабул қилинган ижтимоий меъёрларга амал қилинмаганда.

Шахс хусусиятлари эмоционал танглик ҳолатларида яққолроқ намоён бўлади. Шунинг учун психологлар индивидни фрустрация жараёнида ўрганишга алоҳида эътибор қаратадилар[3].

Ғ.Б.Шоумаров фикрига кўра, ўсмирлик даврининг оғир, мураккаб давр эканлиги кўплаб психологик, физиологик, ижтимоий омиллар билан боғлиқ.

Таҳлил ва натижалар (analysis results). Либидо (лотинча libido - майл, истак, интилиш) – жинсий майл, жинсий алоқага интилиш хоҳишидир. Ўзида микдорий ўзгаришларни ифодаловчи фригидлик, сатириазис, нимфомания, эротомания ва жинсий майлнинг бошқа турлари уларга кирмайди. Онанизм тўғрисида бир хил маънодаги фикрлар мавжуд эмас. У шунчалик тарқалиб кетганки, кўпчилик муаллифлар уни жинсий ривожланишнинг бузилиши сифатида тавсифлашдан бош тортадилар[4].

Онанизм (библияда келтирилган персонаж Онан номи бўйича) – эроген зоналарни механик кўзғатиш ёки рухий тўлқинлантириш йўли билан ўзини жинсий қаноатлантиришдир.

Рухий-жинсий девиация ривожланишининг қуйидаги турлари ажратилади:

Транссексуализм – гонадалар, урогенитал йўллари ва иккиламчи жинсий белгиларнинг тўғри шаклланганига қарамай ўзини қарама-қарши жинсга тегишли деб ҳисоблаш.

Бугунги кунда транссексуализмнинг тарқалиши ҳолати аҳолининг 1:37 000 қисмига тўғри келмоқда, ваҳолапки у эркакларда 2-3 марта кўп учрайди[5].

1-жадвал

Аҳолиси ўртасида транссексуализмнинг тарқалиши ҳолати

(ҳар 100.000 аҳолига нисбатан)


давлатлар	эркаклар ўртасида жинсни ўзгартириш	аёллар ўртасида жинсни ўзгартириш	фарқлар
Сингапур	35	12	3.0:1
АҚШ	1.0	0.25	4.0:1
Швеция	2.7	0.97	2.8:1
Англия	5.0	2	2.5:1
Австралия	4.7	0.62	6.1:1
Ш.Ирландия	2.8	1.0	3.0:1

Бу рухий-жинсий ривожланишдаги оғиш жинсий ахлоқ учун жавобгар бўлган мия тузилиши дифференцировкасидаги, биринчи навбатда, гипоталамуснинг қўпол бузилиши билан боғлиқ бўлиб, тўғри жинсий тарбия олганига қарамадан, аутоидентификациянинг бузиб кўрсатилишига ва бошқа жинсга мансублигини ҳис қилишга олиб келади. Жинсий дифференцировка бузилишининг ифодаси кенг доираларда ўзгариши мумкин. Жинсий ўзини-ўзи англаш шаклланиши босқичида бундай болалар ўзларини қарама-қарши жинс номлари билан атайдилар, қариндошларидан бировларнинг олдида уларни ўғил бола эмас, балки қиз бола деб айтишларини, ёки аксинча, илтимос қилишади. Болалар ҳеч бўлмаса, жинсий муносабатлардаги бетараф (*нейтрал*) бўлган кийимда юриш ҳуқуқини олишга ҳаракат қиладилар, лекин қарама-қарши жинснинг кийимларини кийишни мақсад қилиб қўядилар. Дастлабки вақтда бундай ахлоқ катталар томонидан болаларча ҳазил, тентаклик ёки инжиқлик деб қабул қилинади. Ҳолатнинг жиддийлиги ва кўндиришларнинг самарасизлигини англагач, ота-оналар янада «*таъсирчан*» чораларни қўллашга ҳаракат қиладилар, лекин, одатда мақсадга эриша олмайдилар. Аслида транссексуал болаларнинг ҳаёти - бу доимий, фожиага тўла бўлган ўз «Мен»и билан жинсини ўзгартириш, шахсий жинсий ўзини англаш ва ўзининг атрофдагилар томонидан қабул қилиниши ўртасида мувофиқликка эришиш ҳуқуқи учун курашдир. Жинсий аутоидентификациянинг бузилиши ифодаланган барча ҳолатларда транссексуализм 5 ёшгача манифестация (намойиш) қилади. Ахлоқнинг жинсий роли шаклланиши босқичида, кўпинча, катталарнинг азобларига зид равишда, бошқа жинсга мансубликни ҳис қилиш жинсий ролдаги ахлоқнинг тегишли шаклларига бурканади ва транссексуализм намоён бўлиш учун кўп имкониятларга эга бўлади.

Рухий-жинсий йўналишлар шаклланишининг босқичи транссексуализмда тўғри жинсий ривожланишдан кўра янада мураккаброқ ва масъулиятлироқдир.

1-расм

Аҳолиси ўртасида транссексуализмнинг тарқалиши ҳолати (дунё миқёсида 2019 йил ҳолати)



Унинг бошланиши иккиламчи жинсий белгилар ва жинсий аъзолар ривожланишининг чўққисига етган, шунингдек, жинсий майл шаклланиши содир бўладиган пубертатли даврга тўғри келади. Жинсий безларнинг фаол ишлаши бошланиши билан қарама-қарши жинсга мансублик ҳисси кескин ортади, «бегона» майдондаги ҳаёт кийноққа айланади, бошқа жинс кийимини кийиш доимий тус ола бошлайди. Жинсий аъзолар ва иккиламчи жинсий белгиларнинг ривожланиши ниҳоятда кескин қабул қилинади, чунки улар «ўзга» жинсга мансубликдан далолат беради ва улар «нотўғри» ахлоқининг далили бўлиб хизмат қилади. Қизларни сут безлари каттариши хавотирга солади ва улар кўкрагини маҳкам сиқиб боғлайдилар. Кечаси уларга муз боғлаб қўядилар, «сунъий муз» ёки хлорэтил билан музлатиб қўядилар. Йигитлар жинсий аъзолар ўсиши,

184 юзларида туклар пайдо бўлиши, илк эрекциялардан ғоятда ташвишланадилар. Эрекцияни бартараф қилиш учун жинсий аъзоларини боғлаб қўядилар ва бутун бинт ҳамда арқонлар ёрдамида оёқлар оралиғига маҳкамлаб қўядилар. Айрим ҳолатларда транссексуал ўспиринлар ўзини ўзгартиришга: жинсий аъзосини кесиб ташлаш ёки уни тўлиқ бичиб қўйишга қарор қилишади.

Шу ўринда, З.Фрейднинг психоанализининг моҳиятини яна бир бор ўрганиш лозимлигини бугунги замонавий психология кўрсатиб бермоқда. Унинг фикрича онгсиз психик жараёнлар ва мотивацияни диққат марказига қўяди. Инсон хулқи асосини лаззат олиш (либидо)га нисбатан, айниқса, илк болаликда пайдо бўлган сексуал (жинсий) майл ташкил қилади деган ғояни илгари суриб, одам хулқдаги ижтимоийлик, онглиликни инкор этади. Онгдан унга мувофиқ келмайдиган (асосан, сексуал) майллар ва руҳий кечинмаларни сиқиб чиқариш психоанализда ҳар хил неврозлар ва турли патологик ҳодисалар (унутиш, янглиш ҳаракатлар ва ҳ. к.)нинг асосий манбаи сифатида қаралади[6].

Деярли ҳамма ёрқин транссексуаллар ҳар қандай, ҳатто алдов йўли билан бўлса ҳам жинсини ўзгартиришга интиладилар. Руҳий-жинсий девиациянинг шаклланиши босқичида фақат паспортдаги жинсни ўзгартиришнинг ўзи етарли бўлмайди ва транссексуалнинг атрофдагилар томонидан уни ўзи «истаган» жинс вакили сифатида тўлиқ эътироф этишларини талаб қиладилар. Жинсий майлнинг шаклланиши аксарият ҳолларда жинсий ўзини-ўзи англашга мос келади, яъни жинсий мойиллик эркакча аутоидентификацияли аёлларда аёлларга нисбатан, аёлларча аутоидентификацияли эркакларда эса - эркакларча юзага келади. Ташқаридан бундай мойиллик гомосексуаллик каби қабул қилинади, лекин мазмунан бундай эмас. Зеро, жинсий ўзини ўзи англаш билан келишган ҳолда у қарама-қарши жинсга қаратилган. Эркак-транссексуаллар шерик сифатида гетеросексуал эркакларни афзал кўришади ва уларнинг жинсий фаоллиги гомосексуал эканлиги тўғрисидаги фикрларни рад этишади. Аммо аёллар билан алоқа қилиш улар томонидан ғайритабиий ҳолат, масалан, гомосексуаллик каби қабул қилинади. Аксарият транссексуаллар ўзлари мансуб жинс вакиллари билан жинсий алоқага киришадилар. Жинсий майл қарама-қарши жинс вакилларида ҳам шаклланиши мумкин, лекин, гарчи ташқаридан гетеросексуал бўлиб кўринсада, уни гомосексуал деб баҳолаш лозим [7,8].

Хулоса ва таклифлар. Эҳтиёж ва атрофдагиларнинг фикрига боғлиқлик ўртасидаги ўзининг «нуқсонли» билан доимий кураш шахсининг дисгармониясига, унинг ҳатто руҳий-нуқсонли малолликларсиз патохарактерологик шаклланишига олиб келади. Бундай аёллар ва эркакларнинг катта қисми қарама-қарши жинсга хос бўлган ишга мослашади. Аёллар шунчаки эркакча касбни эмас, балки улардан энг нуфузлари бўлган: учувчилар, узоқ масофаларга сузувчилар, геологлар, терговчилар, жарроҳлар ва ҳоказо касбларни танлашади. Бунда улар нафақат ўзлигини намоён қилиш, балки "тенг ҳуқуқларда" эркаклар жамиятида айланиш имкониятига эга бўладилар. Касб уларнинг эркакча одатлари, ўзларини тутишлари, кийиниш услубларига мос бўлади. Транссексуал эркакларга ижтимоий мослашиш аёлларга нисбатан қийинроқ бўлади. Болаликдан уларнинг назокатлилиги пичингларга, менсимасликка ва ҳатто тенгдошлари томонидан таъқиб қилинишига олиб келади. Назокатли ўғил бола тенгдошларининг иерархик зинапоясида энг паст поғонага эга бўлади, «иккинчи навли» одам бўлиб қолади. Улар келгусида танлайдиган аёлларнинг касблари нуфузли эмас ва эркакларнинг ҳайратини ҳамда пичингларини юзага келтиришда давом этади. Бироқ қизлар, келгусида эса аёллар уларга хайрихоҳ муносабатда бўладилар, «кучли» жинс камчиликларидан холи бўлган бундай юмшоқ табиат ва кўнгилчан эркакларни ўз жамоаларига жон деб қабул қиладилар.

Транссексуализмни дифференцияли диагностика қилишнинг қийинчиликлари шу билан боғлиқки, беморнинг жинсини ўзгартириш ҳақидаги илтимоси шифокорлар томонидан бемаъни деб, руҳий касалликнинг кўриниши каби қабул қилинади. Жинсни ўзгартириш ҳақидаги ғоят қимматли ва ҳатто бемаъни ғоялар ҳақиқатда турли руҳий бузилишлар натижасида, кўпинча паранойяли синдром ва бош мия органик жароҳатланиши ҳолатларида ҳам учрайди.

Интерсексларнинг кузатишларича, эркак жинсини аёл жинсига ўзгартиришдан кўра, аёл жинсини эркак жинсига ўзгартириш анча осонроқ экан. «Эркакча» юришнинг ўзига хос

хусусиятлари узокроқ сақланади ва «аёлларча» хусусиятларга нисбатан тезроқ ўзлаштирилади. Эркаклар кийимини кийиш одати ҳам осонроқ юзага келади. Эркак жинсидан аёл жинсига ўтган айрим шахслар, аёллар нарсаларини орттиришади, париклар, шиньонлар, ҳамма мумкин бўлган пардоз буюмларини (*косметикани*) курол қилиб олишади. 20-21 ёшдан кейин жинсни ўзгартириш мақсадида ижтимоий сабабларга кўра кийинлашади: аксарият индивидлар мутахассисликка эга бўлишган, маълум ижтимоий мавқега эга бўлганлар ва ҳоказо. Нафақат ҳужжатларни расман алмаштириш, балки турар жойини ўзгартириш (*одатда бошқа шаҳарга кўчиб кетиш*), эски таниш-билишларга ва қариндошлар билан учрашувларга тўлиқ барҳам бериш, янги мутахассисликка эга бўлиш ва шу қабилар талаб қилинади. Аввалги жинсда гўёки ижтимоий "ўлим" ва янги жинсдаги "туғилиш" содир бўлади[10,11].

Жинсини ўзгартиришга фаол интилувчи ёрқин транссексуаллар бундай имкониятни топа олмаган ва уларнинг паспорт бўйича жинслари ва жинсий ўзини-ўзи англаш ўртасидаги номувофиқлик ҳал бўлмаган ҳолатларни олдиндан айтиш нокулайдир. Бундай ҳолларда узок давом этадиган депрессив ҳолатлар, ўз жонига қасд қилиш фикри ва уринишлар учраб туради. Жинс ўзгартиришнинг барча мураккабликларига қарамай унга эришган транссексуаллар ўзларини анча яхши ҳис қиладилар, жинсий жиҳатдан мослашиб ҳатто никоҳга қира оладилар.

Адабиётлар

1. Агрессия в подростковом возрасте. – Санкт-Петербург: «Питер», 2007; Семенюк Л.М. Психологические особенности агрессивного поведения подростков и условия его коррекции. – Воронеж: «Научная книга», 2010.
2. Бэрн Р., Ричардсон Д. Психология человеческой агрессии. – М.: «Вузовская книга». –С. 147.
3. Румянцева Т.Г., Бойко И.Б. Понятие агрессии и агрессивности в подростковом возрасте. – Минск: «Университетское», 2002. –С. 72
4. Шоумаров Ғ.Б. Оила психологияси. – Т.: «Ўқитувчи», 2000. –24-б.
5. Ҳақимова И.М. Девиант хулқ-атвор психологияси. – Т. 2014
6. Ибодуллаев З. Асаб ва руҳият. – Т. 2015
7. Элов З.С. Девиант хулқ – атворли ўсмирларда кузатиладиган психологик ўзгаришларининг ёш билан боғлиқ хусусиятлари (Вояга етмаганларга ижтимоий ҳимоя кўрсатиш маркази тарбияланувчилари мисолида). PEDAGOGIK MAHORAT. Ilmiy-nazariy va metodik jurnal. 2022, № 6. 72-75
8. Elov Z. [Deviant xulq-atvorli o'smirlarda suitsidial holatlarni keltirib chiqaruvchi omillar:\(Ilmiy tadqiqotlar natijalari asosida\)](#). Pedagogik mahorat. Ilmiy jurnal. 2023
9. Elov Z.S. [Suitsidial xulq-atvorning zamonaviy psixologiyada o'rganilishi: tahlillar va nazariyalar](#). Science and Education. 2023/10/30. 326-342
10. Элов З.С. [Девиант хулқ-атворли ўсмирлар орасида суицидал ахлоқ тушунчаси ва илмий таҳлиллар](#). Педагогик ва психологик тадқиқотлар. 2023/1/9 150-157
11. Elov Z.S. [Suitsidial xulq-atvor haqida tahlillar va nazariyalar](#). PEDAGOGIK VA PSIXOLOGIK TADQIQOTLAR. 2023 y. 11-22
12. Narziyeva, S. (2023). PSYCHOLOGICAL VIEWS ON THE CHOICE OF PROFESSION. Modern Science and Research, 2(10), 333-336.
13. Kozimova, N. A. (2023). Bugungi ta'lim tizimida zamonaviy o'quvchi shaxsining ijtimoiy va psixologik jihatlari. Educational Research in Universal Sciences, 2(10), 44-46.V
14. Kozimova, N. (2023). Use of hadiths as therapy in studying the problems of raising children of parents applying for psychological consultation. Modern Science and Research, 2(9), 61-63.

Buxoro davlat universiteti muassisligidagi
“PEDAGOGIK AKMEOLOGIYA”
xalqaro ilmiy-metodik jurnali
barcha ta’lim muassasalarini
hamkorlikka chorlaydi.

“PEDAGOGIK AKMEOLOGIYA” xalqaro ilmiy-metodik jurnalida o‘zbek, rus, ingliz tillarida maqolalar chop etiladi.

Manzilimiz: Buxoro shahri, M.Iqbol ko‘chasi 11-uy
Buxoro davlat universiteti

Tahririyat rekvizitlari:

«Садриддин Салим Бухорий» МЧЖ
 Манзил: Бухоро, Муҳаммад Иқбола кўчаси, 11
 Р/с 20208000104858465002
 Бухоро шаҳри Ҳамкорбанк МФО 00966
 ИНН 301637939 ОКНХ 87100

<p>PEDAGOGIK AKMEOLOGIYA</p> <p>Xalqaro ilmiy-metodik jurnal</p> <p>2023-yil 5-son (7)</p> <p>2022-yil avgust oyidan chiqa boshlagan.</p> <p>Нашр индекси: 1397</p>	<p>Buxoro davlat universiteti nashri</p> <p>Jurnal davlat va nodavlat oliy o‘quv yurtlarining professor-o‘qituvchilari, ilmiy tadqiqotchilar, ilmiy xodimlar, magistrantlar, talabalar, kasb-hunar maktablari hamda maktab o‘qituvchilari, shuningdek, keng ommaga mo‘ljallangan.</p> <p>Jurnalda nazariy, ilmiy-metodik, muammoli maqolalar, fan va texnikaga oid yangiliklar, turli xabarlar chop etiladi.</p> <p>Nashr uchun mas’ul: Alijon HAMROYEV. Musahhih: Muhiddin BAFAYEV.</p>	<p>Jurnal tahririyat kompyuterida sahifalandi. Chop etish sifati uchun bosmaxona javobgar.</p> <p>Bosishga ruxsat etildi 01.12.2023 Bosmaxonaga topshirish vaqti 07.11.2023 Qog‘oz bichimi: 60x84. 1/8 Tezkor bosma usulda bosildi. Shartli bosma tabog‘i – 27,0 Adadi – 100 nusxa Buyurtma № 670 Bahosi kelishilgan narxda.</p> <p>“Sadriddin Salim Buxoriy” MCHJ bosmaxonasida chop etildi. Bosmaxona manzili: Buxoro shahri M.Iqbol ko‘chasi 11-uy.</p>
--	--	--